

OHR zahtijeva od Narodne skupštine Republike Srpske da ne stavi Nacrt zakona o RTRS-u na dnevni red sjednice

Visoki predstavnik je iskazao zabrinutost zbog činjenice da je Vlada RS uputila Narodnoj skupštini RS Nacrt zakona o Radio-televiziji Republike Srpske koji se razlikuje od verzije koju je izradila i usaglasila Zajednička radna grupa sačinjena od predstavnika Vlade RS, RTRS-a i OHR-a. Visoki predstavnik je jučer uputio pismo predsjedniku Narodne skupštine Republike Srpske zahtijevajući da se ovaj zakona ne stavlja na dnevni red sjednice.

U avgustu prošle godine, Zajednička radna grupa prezentirala je Vladi RS verziju koja je bila u potpunosti doslijedna evropskim standardima o javnom RTV sistemu. Ova Zajednička radna grupa je uspostavljena sa ciljem da pripremi usaglašeni nacrt zakona, koji be se potom uputio Narodnoj skupštini Republike Srpske na usvajanje. Budući da usaglašeni prijedlog nije ispoštovan, Visoki predstavnik je zahtijevao od Narodne skupštine Republike Srpske da odgodi parlamentarnu diskusiju o ovom Nacrtu zakona, koja je zakazana za sutra. Nacrt koji je prezentirala Vlada RS sadrži nekoliko spornih oblasti koje se moraju riješiti.

Visoki predstavnik smatra da se principi neovisnog javnog RTV sistema ne bi nikako smjeli ugroziti. Javni RTV servis podrazumijeva profesionalni RTV servis koji služi interesima građana, jer su građani ti koji finansiraju rtv kuće putem pretplate. RTV kuće također treba da imaju Upravni odbor koji će biti neovisan od Vlade i koji će profesionalne standarde

staviti iznad svega ostalog. BiH i njeni entiteti su u procesu izgradnje novog medijskog okruženja zasnovanog na operativnoj i finansijskoj neovisnosti. Za demokratsko društvo u razvoju, te za zemlju kandidatkinju za članstvo u Vijeću Evrope, državna kontrola informisanja putem medija finansiranih od strane države ne može biti opcija. BiH postaje dio glavnih evropskih tokova i suočava se sa tehnološkim i profesionalnim zahtjevima u oblasti medija, što vlasti na svim nivoima treba da prihvate.

Visoki predstavnik je također ukazao na činjenicu da neovisan i održiv javni RTV sistem u BiH isto tako predstavlja i jedan od uslova postavljenih u Smjernicama EU (EU Road Map) te da sve relevantne institucije moraju to imati na umu.